

戎  
事  
類  
占

姓占卷之八

豫章李克家嗣宗甫輯

同郡許慶之子家甫校

星類二

石氏曰東方青帝其精蒼龍爲七宿其象有角有亢有氏有房有心有尾有箕氏胸房腹箕所冀也司春司木司東獄司東方司鱗蟲三百有六十

東方角宿二星爲天關其間天門也其內天庭也故黃道經其中七曜之所行也左角爲天田爲理主刑其南爲太陽道右角爲將主兵其北爲太陰道蓋天之三門猶房之四表星明大吉歲星犯爲饑熒惑犯國衰兵敗犯左角有

赦右角兵起填星犯兵起太白犯羣臣有異謀辰星犯爲  
小兵守之大水客星犯兵起五穀傷守左角色赤爲旱守  
右角大水彗星犯色白爲兵赤所指破軍出角天下兵亂  
星孛於角白爲兵赤軍敗入天市兵喪流星犯外國使來  
入犯左角兵起雲氣黃白入右角得地赤入左有兵入右  
戰勝黑白氣入於右兵將敗

平道二星在角宿間主平道之官熒惑太白守爲亂客星  
守車駕出行

進賢一星在平道西主卿相舉逸材黃白紫氣貫之草澤  
賁人出

天田二星在角北主畿內封域武密曰天子籍田也歲星

守穀於熒惑守爲太白守穀傷一曰主兵辰星守爲水  
災客星守旱蝗

周鼎三星在角宿上主流亾星明國安

天門二星在平星北左角南朝聘待客之所星明萬方歸  
化暗則外兵至熒惑入關梁不通太白守有伏兵客星犯  
有謀上者一曰邊兵動

平星二星在庫樓北角南主平天下法獄廷尉之象熒惑  
犯之兵起有赦

庫樓十星六大星庫也南四星樓也在角宿南一曰天庫  
兵車之府也旁十五星三三而聚者柱也中央四小星衡  
也芒角兵起星亾臣下逆動則將行實則兵強虛則有反

者動搖戎馬驚一曰天子征伐四夷五柱皆動五將盡行  
五柱芒角天下兵盡合庫中星不具兵半出皆不見兵悉  
出天子自將庫中無星天下皆反歲星犯主兵熒惑犯爲  
兵旱月入庫樓爲兵彗孛入兵饑客星入夷兵起流星入  
兵盡出赤雲氣入內外不安天庫生角有兵

南門二星在庫樓南天之外門也主守兵禁星明則遠方  
來貢暗則夷叛中有小星兵動客彗守之兵起

亢宿四星爲天子內朝總攝天下奏事聽訟理獄錄功一  
曰䟽廟主疾疫不見則穀傷糴貴月犯左爲水右爲兵歲  
有兵熒惑守久民憂多雨水又爲兵填星犯穀傷民  
亾守之有兵太白犯國人民災逆行爲兵亂守之有水旱

災辰星犯爲水又爲大兵守之米貴民疾歲旱盜起客星  
犯國不安色赤爲兵旱黃爲土功守之穀傷黑民流彗孛  
國災出則有水兵疫臣叛星孛犯國危爲水爲兵入則民  
流出則其國饑流星入外國使來穀熟出爲天子遣使赦  
令出雲氣犯色蒼民疫白爲土功黑水赤兵一云白民瘡  
疾黃土功

大角一星在攝提間天王坐也又爲天棟正經紀也光明  
潤澤爲吉青爲憂赤爲兵白爲喪黑爲疾色黃而靜民安  
五星犯臣謀主有兵太白守爲兵彗星出其分主更改或  
爲兵孛星犯爲兵客星犯守臣謀主流星犯邊兵起一曰  
流星觸破之兵四合國有急

攝提六星左右各三直斗杓南主建時節伺機祥其星爲  
楯以夾擁帝坐主九卿其形如鼎足常東向北向則天子  
失位移徙則近戚有謀王者移其處兵卽起熒惑太白守  
兵起天下更主彗孛入主自將兵流星入有兵起有使者  
出赤雲氣入爲兵九卿憂

折威七星在亢南主斬殺斷軍獄五星犯將軍叛彗孛犯  
邊將次雲氣犯蒼白兵亂赤臣叛主黃白爲和親

頓頑二星在折威東南主考囚情狀察詐僞星明小吉

陽門二星在庫樓東北主守隘塞禦外寇星暗則四夷犯  
邊動搖移徙則邊地有變五星入五兵藏彗孛守外夷犯  
塞兵起赤雲氣入主用兵

氐宿四星爲天子舍室后妃之府休解之房前二星適也  
後二星妾也又爲天根主疫其星不見或移動則禍亂生  
將有動搖之事月犯左右郎將有誅一曰有兵盜犯右星  
主水掩之有陰謀將相當之歲星犯有赦逆行爲兵熒惑  
犯臣僭上大將軍憂填星犯左右郎將有誅畱舍天下有  
兵太白犯郎將誅入其分疾疫或云犯之拜將乘右星水  
災辰星犯貴臣暴憂守之爲水爲旱爲兵乘左星天子自  
將客星犯邊兵起後宮亂五十日不去有刺客彗星犯有  
大赦糴貴入有小兵孛星犯糴貴出則有赦入爲小兵一  
曰彗孛犯暴兵起雲氣入黃爲土功黑主水赤爲兵蒼白  
爲疾疫



天乳一星在氐東北當赤道中明則甘露降

招搖一星在梗河北主北兵芒角變動則兵大行明則兵起若與棟星梗河北斗相直則北方當來受命中國動則近臣恣離次則庫兵發色赤爲兵黑爲軍破彗星犯北邊兵動出其分夷兵大起孛犯蠻夷亂客星出蠻夷來貢北地有兵喪流星出有兵雲氣犯色赤內兵亂色黃兵罷漢志云斗杓端有兩星一內爲矛招搖一外爲盾天彗矛盾動搖角大兵起

梗河三星在帝席北天矛也一曰天鋒主北邊兵又主喪故其變動應以兵喪其星與玄戈相向則兵大起星亡國有兵謀彗星犯之北兵敗客星入兵出陰陽不和一云北

兵侵中國流星出爲兵赤雲氣犯兵敗蒼白將死

帝席三星在大角北主宴獻酬酢禁犯主憂有亂兵

亢池六星在亢宿北亢舟也池水也主渡水往來送迎微  
細凶散則天下不通移動關津有變

陣車三星在氐角騎官東北革車也太白熒惑守之車騎  
滿野內兵無禁

騎官二十七星在氐南天子虎賁也主宿衛星衆天下安  
稀則騎士叛不見兵起散出天下兵亂動搖芒角兵大起  
五星犯爲兵客星守將出有憂士卒發流星入兵起色蒼  
白將死

車騎三星在騎官南總車騎軍將部陣行列變色動搖則

兵行不見兵大起太白熒惑客星犯之大兵起天下亂  
將軍一星騎將也在騎官東南端總領車騎軍將部陣行  
列微小將弱動搖兵外行太白熒惑客星犯之大兵出天  
下亂

天輻二星在房西騎陣旁斜列主乘輿五星客彗犯之則  
輦轂有變

房宿四星為明堂天子布政之宮也亦四輔也下第一星  
上將也次次將也次次相也上星上相也南二星君位北  
二星夫人位又為四表中為天衢為天關黃道之所經也  
南間曰陽環其南曰太陽北間曰陰環其北曰太陰七曜  
由乎天衢則天下和平由陽道則旱喪由陰道則水兵亦

曰天駟爲天馬主車駕南星曰左驂次左服次右服次右驂亦曰天廐又主開閉爲蓄藏之所由星明則王者明驂大則兵起星離則民流左驂服亾則東南方不可舉兵右亾則西北不可舉兵太陰犯陽道爲旱陰道爲雨中道歲稔歲星犯更政令又爲兵爲饑民流熒惑犯馬貴色赤爲兵黑將相災白芒火災守十日勾己者臣叛填星犯女主憂勾己相有誅守之土功興一曰旱兵太白犯四邊合從守之爲土功出入霜雨不時辰星犯有殃守之水災一云北兵起將軍爲亂客星犯歷陽道爲旱陰道爲水國空民饑色白有兵亂入爲糴貴彗星犯國危人亂其分惡之孛星犯有兵民饑國災蒼白氣出將相憂

鈎鈐二星在房北房之鈐鍵天之管籥房鈎鈐間有星及  
踈拆則地動河清歲星守爲饑去其宿三寸王失政近臣  
起配客星流星犯王有奔馬之敗

鍵閉一星在房東北主關籥明吉暗則宮門不禁太白犯  
將相憂客星守道路阻兵起一云兵滿野

罰三星在東咸正西主受金罰贖南北列曲而斜列則刑  
罰不中

東咸西咸各四星東咸在心北西咸在房西北日月五星  
之道爲房之戶以防淫佚也東咸上近鈎鈐則有賊臣害  
王者西咸近上則有言讖緯人爲害者月五星犯之有陰  
謀民饑焚惑犯臣謀上與太白同犯兵起歲星填星犯有

陰謀

日一星在房中道前太陽之精主昭明令德明大則君有德令月犯下謀上歲星守王得忠臣陰陽和四夷賓客星彗星犯主失位

從官一星在房宿西南主疾病巫醫明大則巫者擅權彗孛犯巫臣作亂

心宿三星天王正位也中星曰明堂天子位爲大辰主天下之賞罰前星爲太子後星爲庶子星直則王失勢天下變動心星見祥搖動則兵離民流太陰犯大臣憂出心大星北國旱出南君憂兵起熒惑犯爲饑爲民流守星南爲水北爲旱逆行大臣亂太白犯糴貴將軍憂有水災不出

一年有大兵辰星犯明堂大臣當之在陽爲燕在陰爲塞  
北不則地動大雨守之爲水爲盜客星犯爲旱守之爲火  
災舍之糴貴民饑彗星犯大臣相疑守之而出爲蝗饑又  
曰爲兵星孛其分有兵喪民流流星犯臣叛入之外國使  
來色青爲兵爲憂白雲氣入亂臣在側

積卒十二星在房心西南五營軍士之象主衛士掃除不  
祥星小吉明則有兵動搖朝廷起兵芒角有聚兵事一星  
亾兵少出二星亾兵半出三星亾兵盡出星俱亾則國亾  
五星守兵起彗星客星守禁兵大出天子自將青赤雲氣  
犯之爲大臣持政欲論兵事

尾宿九星爲天子後宮亦主后妃之位上第一星后也次

三星夫人次星嬪妾也亦爲九子太陰犯之臣不和將有  
憂歲星犯穀貴守之旱火災熒惑犯有兵留二十日水災  
留三月客兵聚入之人相食又云宮內亂填星入爲兵饑  
盜賊太白犯入大臣起兵久留爲水災出入舍守羅貴兵  
起失行軍破城亡辰星犯守爲水災民疾後宮有罪者兵  
起客星出則爲風爲水兵罷民饑多次彗星犯兵起宮門  
多土功出入貴臣誅有水災孛犯多土功出爲大水民饑  
雲氣入色青外國來降出則臣有亂赤氣入有使來言兵  
黑氣入有諸侯客來

神宮一星在尾宿第三星旁解衣之內室也與尾同占明  
大芒角內亂



天江四星在尾宿北主太陰明動爲水兵起民以水饑星不具則津梁不通參差則馬貴中河而居則兵起如流沙人死如亂麻月犯爲兵爲臣強河津不通熒惑犯大旱守之有立主太白犯暴水彗星犯爲大兵客星入河津不通流星犯爲水爲饑赤雲氣犯車騎出青爲多水黃白天子用事兵起入則兵罷

傳說一星在尾後河中主章祝官也一曰後宮女巫也司天王之內祭祀以祈子孫明大則吉左氏傳天策焯焯卽此星也

魚一星在尾後河中主陰事知雲雨之期居河東旁近箕爲常中河而居天下大水津道塞兵起明大則河海水溢

動搖則大水暴出熒惑犯其陽爲旱陰爲水填星守爲旱  
赤雲氣犯出兵起將憂入兵罷黃白氣出兵起

龜五星在尾南主卜以占吉凶明潤吉不居河中川水暴  
至星亾赤地千里熒惑犯爲旱守爲火一曰兵起外守之  
兵罷入守之大水客星入爲水憂流星出色赤黃爲兵青  
黑爲水

箕宿四星爲後宮妃后之府亦曰天津一曰天雞主八風  
主口舌主蠻夷胡貉故蠻胡將動先表箕馬星明大穀熟  
疎暗世亂無君蠻夷不服動則蠻夷有使來一云動則不  
出二曰大風不正爲兵離徙天下不安中星動亦然羅貴  
移入河國災人相食凡日月宿在箕壁翼軫者皆爲風起

舌動三日有大風月犯多風糴貴爲旱歲星入歲熟在箕  
南爲旱在北爲有年守之多惡風糴貴民饑死熒惑犯地  
動入爲旱久守爲水填星守有水守九十日人流兵起蝗  
太白犯女主喜入則有赦出爲土功糴貴守之爲旱爲風  
民疾出入留移五穀不登多蝗辰星犯有赦守則爲旱客  
星入犯有土功民流守之爲饑色赤爲兵守其北小熟東  
大熟南小饑西大饑出其分民饑夫妻有棄者一云守之  
秋冬水災流星犯大臣叛彗星犯守東夷白滅出則爲旱  
爲兵北方亂守犯爲外夷亂糴貴守之外夷災出則穀貴  
民死流亡入則多風雨色黃外夷來貢雲氣出色蒼白國  
災除入則蠻夷來見出而色黃有使者出箕口歛爲雨開

爲多風少雨

糠一星在箕舌前杵西北明則豐熟暗則民饑流亡

杵三星在箕南主給庖春明小吉明動天下有兵軍糧急  
人失釜甑縱則豐橫則大饑移徙民失業不具若亡則歲  
荒人相食客星犯守歲饑彗孛犯天下有急兵

步天歌

角兩星南北正直著中有平道上天田總是黑

星兩相連別有一鳥名進賢平道右畔獨淵然最上三星  
周鼎形角下天門左平星雙雙橫於庫樓上庫樓十星屈  
曲明樓中五柱十五星三三相聚鼎之形其中四星別名  
衡南門樓外兩星橫 亢四星恰似彎弓狀大角一星直  
上明折威七子亢下橫左右攝提星三三三三相似如鼎

形折威下左頓頑星兩箇斜安黃色精頑下二星號陽門  
色若頓頑直下存 氏四星似斗側量米天乳氏上黑一  
星世人不識稱無名一箇招搖梗河上梗河橫列三星狀  
帝席三黑河之西亢池六星近攝提氏下衆星騎官出騎  
官之衆二十七三三相連十欠一陣車氏下騎官次騎官  
下三車騎位天輻兩星在陣旁將軍陣裏振威霜 房四  
星直下主明堂鍵附一黃斜向上鈎鈴兩箇近其旁罰有  
三星值鍵上兩咸夾罰似房狀房西一星號爲日從官兩  
星日下出 心三星中央色最深下頭積卒共十二三三  
相聚心下是 尾九星如鈎蒼龍尾下頭五點號龜星尾  
上天江四橫是尾東一箇名傳說傳說東畔一魚子龜西

一室是神宮所以列在后妃中箕四星形狀如簸箕箕  
下三星名木杵箕前一點是糠粃

戎事類占卷之九

豫章李克家嗣宗甫輯

同郡許慶之子家甫校

星類三

石氏曰北方黑帝其精玄武爲七宿有龜蛇蟠結之象牛蛇象女龜象虛危室壁皆龜蛇蟠糾之象司冬司水司北獄司北方司介蟲三百有六十

北方南斗六星天之賞祿府主天子壽筭爲宰相爵祿之位傳曰天廟也丞相太宰之位褒賢進士稟受爵祿又主兵一曰天機南二星魁天梁也中央二星天相也北二星天府庭也又謂南星者魁也北星者杓也第一星曰北宗

一曰天關一曰鐵鎖石申曰魁第一星主吳二會稽三丹陽四豫章五廬江六九江星不明則大小失次芒角動搖國失忠臣兵起民愁月犯將臣黜風雨不時入則趙魏有兵歲星犯有赦久守水災穀貴守及百日兵用熒惑犯有赦破軍殺將火災入二十日羅貴四十日有德令守之爲兵盜久守災甚填星犯爲亂入則失地逆行地動守之大臣叛又曰逆行先水後旱守之國多義士太白犯有兵臣叛留守破軍殺將辰星犯水穀不成有兵守之兵喪客星犯兵起國亂入則諸侯相攻多盜大旱宮廟火穀貴彗星犯國主憂出則其分有謀又爲水災官中火下謀上有亂兵入則爲火大臣叛字犯入下謀上有亂兵出則爲兵爲



疾國憂流星入蠻夷來貢雲氣入蒼白多風赤旱出有兵起宮廟火入有雨赤氣兵

建六星在南斗魁東北臨黃道一曰天旗天之都關為謀事為天鼓為天馬南二星天庫也中二星市也鐵鎖也上二星為旗跗斗建之間三光道也主司七曜行度得失十一月甲子天正冬至大曆所起宿也星動人勞役月犯臣更天子法掩之有降兵月與五星犯之大臣相譖有謀亦為關梁不通大水歲星守為旱糴貴火者眾諸侯有謀入則有兵熒惑守糴貴入則關梁不通馬貴守旗跗三十日有兵填星守王者有謀太白守外國使來辰星守為水災米貴多病客星守道路不通多盜流星入下有謀

天弁九星在建星北市官之長主列肆闌闐市藉之事以知市珍也彗客犯羅貴久守囚徒起兵

天籥八星在南斗杓第二星西主開閉門戶明吉不備則關籥無禁客星彗星守關梁閉塞

農丈人一星在南斗西南老農主稼穡者又主先農農正官星明歲豐暗則民失業移徙歲饑

鼈十四星在南斗南主水族不居漢中川有易者熒惑守爲旱辰星守爲火客星守爲水流星出色青黑爲水黃爲旱雲氣占同

天淵十星在鼈東南九坎間一曰天池一曰天泉一曰天海又名太陰主灌溉溝渠五星守大水河決彗星守川溢

傷人

狗國四星在建星東南主三韓鮮卑烏桓獺狁沃沮之屬  
星不具天下有盜不明則安明則邊寇起月犯烏桓鮮卑  
國亂災惑守外夷兵起太白守鮮卑受攻客星守有大盜  
其王來中國

天雞二星在斗西一云狗國北主異鳥一曰主候時災惑  
舍爲旱犯爲兵災惑太白守兵大起填星犯民流亡客星  
犯水旱失時入爲大水

狗二星在南斗魁前主吠守以不居常處爲災客星入多  
土功北邊饑守之守禦之臣作亂

牛宿六星天之關梁主犧牲事其北二星一曰卽路一曰

聚火又曰上一星主道路次二星主關梁次三星主南越  
星暗小關梁不通移入河中天下大亂曲則兵災吳越饑  
月犯有金牛多死其國有憂歲星入犯則諸侯失期畱守  
則牛多疾五穀傷逆行宮中有火熒惑犯臣謀主守則穀  
不成兵起太白犯諸侯不通守則國有兵起入則爲兵謀  
辰星犯敗軍殺將臣謀主客星犯守牛馬貴越地起兵彗  
星犯吳分兵起出爲羅貴牛死李犯改元易號羅貴牛多  
死吳越兵起下當有自立者流星犯春夏穀熟秋冬穀貴  
雲氣蒼白橫貫有兵喪亦亦爲兵

天田九星在牛下西南天子畿內之田也其占與角北天  
田同

九坎九星在牽牛南主溝渠導引泉源疏瀉盈溢又主水旱星明爲水災微小吉月暈爲水五星犯水溢客星入天下憂雲氣入青爲旱黑爲水溢

羅堰三星在牽牛東拒馬也主隄塘壅蓄水源以灌溉也星明大則水泛溢

天桴四星在牽牛東北橫列鼓桴也主漏刻暗則刻漏失時動搖則軍鼓用前近河鼓若桴鼓相直皆爲桴鼓用太白熒惑守兵鼓起客星犯刻漏失時

河鼓三星在牽牛西北天鼓也蓋天子及將軍鼓也一曰三鼓主天子三軍中央大星爲大將軍左星爲左將軍右星爲右將軍左星南星也所以備關梁而拒難也設守險

阻知謀徵也鼓欲正直而明色黃光澤將吉不正爲兵憂  
星怒則馬貴動則兵起曲則將失計奪勢有芒角將軍凶  
猛象也動搖差度亂兵起月犯軍敗亡五星犯兵起彗星  
客星犯將軍被戮流星犯諸侯作亂黃白雲氣入天子喜  
赤兵起出則戰勝黑將死青氣入將憂出則禍除

左旗九星在河鼓左旁右旗九星在牽牛北河鼓西南天  
之鼓旌旗表也主聲音設險知敵謀旗星明大將吉不明  
將憂動搖失色出兵兵敗動搖而舒者大將出隨旗擊之  
勝一曰星色暗急備兵星不正國受兵五星犯守兵起  
漸臺四星在織女東南臨水之臺也主啓漏律呂事  
輦道五星在織女西主王者游嬉之道漢輦道通南北宮

其象也動搖蹊圻不見天子戒出游有兵變太白熒惑守之御路兵起

織女三星在天紀東端河北天女也主果蓏絲帛珍寶星  
亾兵起女子爲侯熒惑守兵起客星入色青爲饑赤爲兵  
黃爲旱黑爲水流星入有水盜雲氣入蒼白女子憂赤則  
女子兵災

須女四星天之少府賤妾之稱婦職之卑者也主布帛裁  
製嫁娶月犯有女惑有兵不戰而降又曰將軍外歲星守  
多水國饑喪糴肯熒惑犯民大災守之土人不安五穀不  
熟又爲兵入則糴貴填星犯守有苛政山水出壞民舍留  
五十日民流亾太白犯兵起畱守軍發辰星犯國饑民疾

守之天下水有赦南地火北地水又兵起客星犯兵起女  
人為亂守之諸侯有兵江淮不通糴貴彗星犯兵起女為  
亂出為兵亂有水災米鹽貴星孛其分兵起女為亂赤雲  
氣入婦人多病死

十二國十六星在牛女南近九坎各分土居列國之象九  
坎之東一星曰齊齊北二星曰趙趙北一星曰鄭鄭北一  
星曰越越東二星曰周周東南北列二星曰秦秦南二星  
曰代代西一星曰晉晉北一星曰韓韓北一星曰魏魏西  
一星曰楚楚南一星曰燕有變動各以其國占之陶隱居  
曰越星在婺女南鄭一星在越北趙二星在鄭南周二星  
在越東楚一星在魏西南燕一星在楚南韓一星在晉北



晉一星在代北代二星在秦南齊一星在燕東

離珠五星在須女北須女之藏府女子之星也又曰主天子旒珠后夫人環珮去陽旱去陰潦

匏瓜五星一作瓠瓜在離珠北天子果園也不具或動搖爲盜客星守山谷多水犯之有游兵不戰蒼白雲氣入果不可食青爲天子攻城邑

敗瓜五星在匏瓜星南主修瓜果之職與匏瓜同占

天津九星在虛宿北橫河中一曰天漢一曰天江主四瀆津梁所以度神通四方也一星不備津梁不通明正吉不明則兵起參差馬貴明大而動兵亂起大則水災移則水溢若從河則水賊稱王彗孛犯津敗道路有賊客星犯橋

梁不修守之水道不通船貴流星出必有使出隨分野占赤雲氣入爲旱黑爲大水蒼爲水

奚仲四星在天津北主帝車之官明盛芒角兵起變動車駕不安彗出將反太白熒惑守爲兵

扶筐七星爲盛桑之器主勸蠶也一曰供奉后與夫人之親蠶明吉暗凶彗星犯將叛

虛宿二星爲虛堂冢宰之官也主死喪哭泣又主北方邑居廟堂祭祀祝禱事月犯宗廟兵動國憂將死歲星犯民饑與填星同守水旱不時熒惑犯流血滿野守爲旱民饑軍叛入爲大災功成見逐或勾已大人戰不利填星犯有急令行疾有客兵入則有赦穀不成守之風雨不時爲旱

大人欲危宗廟有客兵太白犯下多孤寡兵喪出則政急  
守之臣叛君辰星犯春秋有水守亦爲水災在東爲春水  
南爲夏水西爲秋水北冬有雷雨水客星犯羅貴守兵起  
近期一年遠則二年有哭泣事出爲兵喪彗星犯國凶有  
叛臣出爲野戰流血出入有兵起芒穀所指國必亡星孛  
其宿有哭泣事出則爲野戰流血國有叛臣雲氣入黃爲  
喜倉爲哭赤火黑水

司命二星在虛北主舉過行罰滅不祥又主死

司祿二星在司命北主增年延德掌功賞食料官爵

司危二星在司祿北主矯失正下樓閣臺榭外喪流

司非二星在司危北主司候内外察愆尤主過失乾象新

書命祿危非八星主天子已下壽命爵祿安危是非之事  
明大爲災居常吉

哭二星在虛南主哭泣成喪

泣二星在哭星東與哭同占

天壘城十三星在泣南園如大錢形若貫索主鬼方北邊  
丁零之類所以候興敗存亡明大變動夷兵起焚惑入守  
夷人犯塞客星入北方侵赤雲氣掩之北方驚滅多疫  
敗曰四星在虛危南兩兩相對主敗亡災害彗星犯民饑  
流亡

離瑜三星在十二國秦代東敗曰西離主承也瑜玉飾也  
婦人見舅姑衣服也

危宿三星在天津東南爲天子宗廟祭祀又爲天子土功  
又主天府天市駕屋受藏之事不明客有誅土功興動或  
暗營宮室有兵事月犯宮殿陷臣叛來歲糴貴歲星犯守  
爲兵役徭多土功有哭泣事又多盜熒惑犯有赦守之人  
多疾兵動諸侯謀叛宮中火災守三十日東兵起歲旱近  
臣叛入爲兵有變更之令填星守爲旱民疾土功興國大  
戰犯之兵喪出入畱舍國凶地有流血入則大亂賊臣起  
太白犯爲兵一曰無兵兵起有兵兵罷五穀不成多火災  
守之將憂又爲旱爲火舍之有急事辰星犯國多災守之  
臣下叛

墳星四星附危下墳墓狀主山林喪葬之事

虛梁四星在蓋屋南一曰危南主園陵寢廟鬼神之祠金  
火守入犯兵災火起

蓋屋二星在危宿南主治宮室五星犯兵起禁守犯守兵  
災尤甚

天錢十星在北落西北主錢帛府庫金火守兵盜起

人五星在虛北車府東如人形一曰主萬民柔遠能通又  
曰卧星主夜行以防淫佚星不見庶人作亂天下兵起  
杵三星在人星東主軍糧正直下曰則吉不相當則軍糧  
絕縱則吉橫則凶

曰四星在杵星下杵曰不明則民饑覆則歲饑仰則歲熟  
三星犯民饑兵起天下急

車府七星在天津東近河東西列主車府之官又主賓客之館明大芒角兵亂動搖兵車大出熒惑守兵動彗客犯兵車出

造父五星在傳舍南河中御官也一曰司馬伯樂主御營馬廐馬乘轡勒移處兵起馬貴彗客入守兵起廐馬出鈞九星在造父西河中如鈞狀星直則地動

營室二星天子之宮一曰玄宮一曰清廟又爲軍糧之府主土功事一曰室一星爲天子宫一星爲太廟爲王者三軍之廩故置羽林以衛又爲離宮閣道故有離宮六星在其側一曰定室詩曰定之方中也歲星犯有急而爲兵熒惑犯歲不登守之有小災爲旱爲火羅貴逆行守之臣謀

叛填星犯爲兵守之天下不安人主徙宮關梁不通太白  
犯五寸許天子政令不行守則兵大忌之以赦令解留六  
十日將死入則有暴兵辰星犯爲水客星犯入天丁有兵  
事軍饑將離外兵來出於室兵先起者敗彗星出占同或  
犯之則弱不能戰出入犯之則先起兵者勝一曰出室爲  
大水孛犯或出入先起兵者勝出有小災後宮亂一曰孛  
出其分有兵喪道藏所載室專主兵流星犯軍乏糧在春  
夏將軍貶秋冬水溢乙巳占曰流星出入色黃潤軍糧豐  
赤雲氣入爲兵民疾

離宮六星兩兩相對分布室壁之間天子之別宮也主隱  
藏休息之所太白熒惑入兵起



雷電六星在室南明動則雷電作

土功吏二星在壁宿南一曰在危東北主營造宮室起土之官

騰蛇二十二星在室宿北主水蟲居河濱移向南兵起大旱向北大水彗孛犯水道不通客星守雨水爲災

壘壁陣十二星在羽林北橫列室壁之南其中四星兩端各四星羽林之垣壘主天軍營星明國安移動兵起不見其盡出將次五星入犯皆主兵太白辰星尤甚客星入兵大起將吏憂

羽林軍四十五星三三而聚散出壘壁之南東西布列北第一行主天軍軍騎翼衛之象星衆則國安稀則兵動羽

林中無星則兵盡出天下亂月犯兵起歲星入諸侯悉發  
兵臣下謀叛必敗伏誅太白入兵起填星入大水五星入  
爲兵熒惑太白經過天子以兵自定熒惑入而芒赤與兵  
者凶客星入色赤爲臣叛

斧鉞三星在八魁西北亥刈之具也主斬芻蕘以飼牛馬  
主行誅拒難斬伐奸謀明大用兵將憂暗則不用移動兵  
起太白入將誅客犯外兵被擒士卒死傷外國降色青憂  
赤兵黃白吉

北落師門一星在羽林軍南北者宿在北方落者天軍之  
蕃落也師門猶軍門長安城北門曰北落門參此也主非  
常以候兵星明大兵精微小兵弱芒角大兵起凶不見天

下有兵大將出人主憂焚惑入兵弱不可用客星犯光芒  
相及爲兵大將死守之邊人入塞流星出而色黃天子使  
出色赤或犯之皆爲兵起雲氣入蒼白爲疾疫赤爲兵黑  
邊將死

天網一星在北落西南主武帳宮舍天子游獵所會客彗  
入爲兵起一云義兵

八魁九星在斧錢東南主捕張禽獸之官也明盛兵起客  
彗入多盜賊兵起太白熒惑入守占同

壁宿二星主文章天下圖書之秘府月犯國有憂爲饑衛  
地有兵歲星犯水傷五穀久守或凌犯勾巳有兵起熒惑  
犯衛地憂守之國旱民饑太白犯一二寸許則諸侯用命

守之文武並用一曰有軍不戰一曰有兵喪一曰水災多風雨一曰犯之多火災辰星犯國有蓋藏保分之事一曰其分有兵喪奸臣有謀逆行守之橋梁不通彗星犯爲兵爲火一曰大水民流字犯爲兵有火水災赤雲氣入爲兵黑其下國破黃則外國貢獻一曰天下有烈士立

天廐十星在東壁之北主馬之官若今驛亭也主傳令置驛逐漏馳驚謂其急疾與晷漏競馳也月犯兵馬歸彗星入馬廐焚客星入馬出行流星入天下有驚

土工二星在壁宿南主營造起土之官也

霹靂五星在雲雨北雷電南主陽氣大盛擊碎萬物

雲雨四星在霹靂南主雨澤成萬物星明則多雨水辰星

守有大水一占主陰謀殺事

鐵鑽五星在天倉西南刈具也主斬芻飼牛馬

步天歌 十六星其狀似北斗魁上建星三相對天弁建

上三三九斗下圓安十四星雖然名鼈貫索形天雞建背

雙黑星天籥柄前八黃精狗國四方雞下生天淵十星鼈

東邊更有兩狗斗魁前農家丈人斗下眠天淵十黃狗星

玄 牛六星近在河岸頭頭上雖然有兩角腹下從來欠

一脚牛下九星是天田田下三三九坎連牛上直建三河

鼓鼓上三星號織女更有四黃名天桴河鼓直下如連珠

左旗右旗各九星河鼓兩畔左邊明羅堰三鳥牛東居漸

臺四星似口形輦道西足連五星輦道漸臺在何許欲得

見時近織女 女四星如箕主嫁娶十二諸國在下陳先  
從越國向東論東西兩周次二秦雍州南下雙雁門代國  
西向一晉仲韓魏各一晉北輪楚之一國魏西屯楚城南  
畔獨燕軍燕西一郡是齊鄰齊北兩足平原君欲知鄭在  
越下存十六黃星細區分五箇離珠女上星敗瓜珠上匏  
瓜生兩箇各五匏瓜明天津九箇彈弓形兩星入牛河中  
橫四箇奚仲天津上七箇仲側扶筐星 虛上下各一如  
連珠命祿危非虛上呈雙雙相比八鳥星虛危之下哭泣  
星哭泣雙雙下壘城天壘團圓十三星敗曰四星城下橫  
曰西三箇離喻明 危三星不直舊先知危上五星號人  
星人下三四杵曰形人上七鳥號車府府上天鈞九皇晶

鈞下五鴉字造父危下四星號墳墓墓下四星斜虛梁十  
箇天錢梁下黃墓旁兩星能蓋屋身著黑衣危下宿室  
兩星上有離宮出遶室三雙有六星下頭六箇雷電形壘  
壁陣次十二星十二兩頭大似井陣下分布羽林軍四十  
五卒三爲羣軍西四下多難論仔細歷歷有區分三粒黃  
金名鐵鉞一夥珍珠北落門門東八魁九箇子門西一箇  
天網是電旁兩黑土公吏騰蛇室上二十二壁兩星下  
頭是霹靂土工一雙壁下黑霹靂五星橫著行雲雨次之  
曰四方壁上天廐十圓黃鐵鑽五星羽林旁

戎事類占卷之十

豫章李克家嗣宗甫輯

同郡許慶之子家甫校

星類四

石氏曰西方白帝其精白虎爲七宿奎象白虎婁胃鼎象虎三子也畢象虎背參象麟背首參身也司秋司金司西獄司西海司西方司毛蟲三百有六十

西方奎宿十六星天之武庫一曰天豕一曰封豕主以兵禁暴又主溝瀆西南大星曰天豕目亦曰大將明吉明大臣于命若有稱王於山谷者動則兵大出光焰近臣謀叛月犯其分亂歲星犯近臣爲逆守之人民饑盜起久守北



兵降守二十日以上兵起魯地逆行守之君好兵民流亡  
熒惑犯環繞三十日以上將相凶大水民流守二十日以  
上魯地有兵守百日以上多盜填星入犯吳越有兵一曰  
齊魯一曰兵喪出入水泉溢太白犯大水有兵霜殺物入  
則外兵入國晝見將相死辰星犯江河決有兵爲旱爲火  
守之王者憂兵旱客星犯有溝瀆事守則王者有憂軍敗  
賊臣在側入之破軍殺將舍留不去人饑彗犯爲饑爲兵  
喪出則有水災星孛其下兵出民饑出則西北有兵起流  
星入犯破軍殺將一曰流星出入色赤如火光作聲爲弓  
弩用一曰入則有聚衆事赤雲氣入犯爲兵

外屏七星在奎南主庫救臭穢

天溷七星在外屏南主天厠養豢之所一曰天之厠溷也  
暗則人不安

土司空一星在奎南一曰天倉主土事凡營城邑浚溝洫  
修隄防則議其利建其功四方小大功課歲盡則奏其殿  
最而行賞罰彗客犯水旱民流兵大起

軍南門一星在天大將軍南天大將軍之南門也主誰何  
出入星不明外國叛不見天下亂動搖則兵起明則遠方  
來貢

附路一星在閣道南旁別道也主太僕主禦風雨芒角則  
車騎在野一曰附路正馬則車騎滿野星亾有道路之變  
不見則兵起太白熒惑入兵起彗孛犯道路不通

閣道六星在王良前飛道也從紫宮至河神所乘也一曰主輦閣之道天子游別宮之道也一曰王良旗一曰紫宮旗亦所以爲旌表而不欲其動搖旗星者兵所用也星不見則輦閣不通動搖則宮掖有兵白雲氣入有急事

策一星在王良北天子僕也主執策御動搖天子出若移在馬後車騎滿野流星彗孛客星犯之皆爲大兵起天子自將於野近之下有謀亂者

王良五星在奎北居河中天子奉車御官也其四星曰天駟旁一星曰王良亦曰天馬星移則有兵動則車騎滿野馬參差天下安四馬齊行王良主策則天下大亂天子自臨兵王良策馬兵大起一曰爲天橋主禦風雨水道星不

具或客星守之津梁不通與閣道近有江河之變太白熒惑入守爲兵彗客犯爲兵喪天下橋梁不通流星犯大兵將出

婁宿三星爲天獄主苑牧犧牲供給郊祀亦爲興兵聚眾月犯將次民流歲星犯有兵自罷熒惑犯守爲旱爲火穀貴填星犯天子戒邊境不可遠行將兵凶畱舍於邊外國兵來太白犯有聚眾事守之期三十日有兵一曰太白熒惑守宮苑內兵起民饑辰星犯刑罰急多水旱芒角動搖色赤黑者臣下起兵一曰動搖則聚眾兵起星直則有執王命者就聚國不安大饑客星犯爲大兵彗星犯民饑次出則先旱後水穀大貴國有大兵星孛其分兵饑青赤雲

氣入爲兵喪黑爲大水

右更五星在婁西秦爵名主牧師官亦主義禮星不具天下道不通動搖天子私出若與左更俱動則千乘萬騎填道而行太白熒惑犯守山澤兵起

左更五星在婁東亦秦爵名山虞之官主山澤林藪竹木疏菜之屬亦主仁智占同右更

天大將軍在婁北主武事中央大星天之大將也外小星吏士也明則兵強將勇暗則兵弱將怯動搖兵起大將出小星動搖或不具亦爲兵星亡將死旗直揚者隨所擊勝五星犯守大將憂客星守大將不安軍吏以饑敗流星出兵起大將出入大將憂一曰大將驚出兵大起抵犯則有

大兵來攻星所從來爲發兵處彗出兵大起犯則將灰蒼  
白雲氣犯多疾赤爲兵出

其星十一

天倉六星在婁宿南倉穀所藏也待邦之用星近而數則  
歲熟穀聚戶開穰閉穀不登不具則道不通軍絕糧暗或  
不見歲饑五星犯兵起歲饑倉粟出熒惑太白合守軍破  
將灰熒惑入軍轉粟千里近之天下旱太白犯外國人相  
食兵起西北辰星守大水客彗犯五穀不成客星入歲饑  
羅貴流星入色赤爲兵犯之粟以兵出蒼白雲氣入歲饑  
赤爲兵旱倉廩災

大庾三星在天倉東南主露積占與天倉同

胃宿三星天之厨藏主倉廩五穀府也明則倉廩實暗則

倉空中星衆穀聚星小穀散芒則有兵月犯鄰國有暴兵  
天下饑變色將軍凶歲星犯兵起逆行五穀不成國無積  
蓄熒惑犯兵亂倉粟出守之早饑民疫客軍大敗進退環  
繞勾已凌犯及百日以上天下倉庫竝空兵起填星犯大  
臣爲亂守之無蓄積有德令歲穀大貴若逆行守勾已者  
有兵色赤兵起流血辰星犯其分不寧守之有兵國有立  
侯巫咸曰爲早穀不成有急兵客星犯倉廩用守之強臣  
擅國穀不熟乘之爲火舍而不去人饑彗星犯兵動臣叛  
有水災穀不登星孛其分兵起蒼白雲氣出入犯之以喪  
糴粟事青黑爲兵

天廩四星在井宿南一曰天廩主蓄泰稷以供享祀春秋

所謂御廩也又主賞功掌九穀之要明則國實歲豐月犯穀貴五星犯歲饑客星犯倉廩空虛流星入色青爲憂赤爲旱爲火青雲氣入蝗饑民流赤爲旱黑爲水

天困十三星如乙形在胃南倉廩之屬主給御廩染盛暗則饑五星犯倉廩空虛青白雲氣入歲饑民流亡

大陵八星在胃北亦曰積尸主大喪也中星繁諸侯喪民疫兵起月犯爲兵爲水旱五星入爲水旱兵喪蒼白雲氣犯天下兵喪亦則人多戰死

積尸一星在大陵中明則有大喪死人如山月犯臣叛天船九星在大陵北河之中天將軍之船也主通濟利涉石申曰不在漢中兵起津河不通川溢有沒國明則天下



安不明及移徙或小不見天下兵喪五星犯水溢民移居  
彗星犯爲大水客星犯爲水爲兵青雲氣入天子憂不可  
御船赤爲兵船用

積水一星在天船中候水災也明動上行舟船用熒惑犯  
有水

昴宿七星天之耳也主西方及獄事又爲旄頭北星也又  
主喪昴畢間爲天街天子出旄頭畢畢以前驅此其義也  
黃道所經明則天下牢獄平七星皆黃兵大起一星亾爲  
兵喪大而數盡動若跳躍者北兵大起一星獨跳躍而動  
北兵欲犯邊月犯爲饑北主憂天子破北兵變色民流國  
亾下有暴兵歲星犯獄空乘之陰國有兵畱守破軍殺將

熒惑犯守爲火爲旱饑守東齊楚越地有兵守南荆楚有  
兵西則兵起秦鄭北則兵起燕趙入則有喜有赦天下無  
兵填星犯或出入守之北地爲亂留則大將出征太白入  
犯大赦在東六畜傷在西六月有兵又曰守之北兵動將  
下獄晝見邊兵起辰星犯北主憂久守爲水爲兵客星犯  
貴人有急北兵大敗讒人在內守之臣叛主兵起彗星犯  
大臣爲亂出則邊兵起星孛其分臣下亂有邊兵流星出  
入犯之夷兵起一曰流星入北方來朝蒼赤雲氣犯民疫  
青爲水爲兵

月一星在昴宿東南瞻蜃也主日月之應女主臣下之象  
又主死喪之事太白熒惑守之臣下起兵爲亂

天阿一星在胃東昴西主察山林妖變五星客彗犯妖言  
滿路

天陰五星在畢柄西主從天子弋獵之臣不明爲吉明則  
禁言泄

芻藁六星在天苑西主積藁一口天積天子之藏府

天苑十六星在昴畢南如環狀天子養禽獸之苑明則禽  
獸牛馬盈五星客彗犯兵起

卷舌六星在昴北主樞機智謀一曰主口舌語言知讒佞  
直而動多讒人兵起天下有口舌之害其中星衆兵大起  
徙出漢外則天下多妄說五星犯佞人在側

天讒一星在卷舌中主巫醫暗則吉明大動搖兵起

礪石四星在五車星西主日二磨礪鋒刃亦主候伺明則兵起熒惑入邊兵起守之諸侯發兵客星守爲兵

畢宿八星主邊兵弋獵其大星曰天高一曰邊將主四夷之尉也天官書曰畢爲罕車明大則遠人來朝天下安失色邊兵亂一星亾爲兵喪動搖則邊兵起月犯畢大星下犯上大將死陰國憂入畢口多雨穿畢歲饑盜起失行離於畢則雨又曰犯北則陰國憂南則陽國憂歲星犯冬多風雨又曰爲水入畢口邊兵起民饑有赦守三十日客兵起出陽爲旱陰爲水熒惑犯右角大戰左角小戰入則邊兵憂守則爲饑入畢中有兵兵罷守之天下道路不通填星犯兵起西北不戰守之兵有降軍一曰土功徃後煩兵

起出入畱舍其野兵起客軍死太白犯右角戰敗將死入  
畢口將相爲亂諸侯起兵爲水五穀不成貫畢倉廩空四  
國兵起辰星犯邊地災守之水溢邊兵起守畢口人爲亂  
客星犯無兵兵起有兵兵罷守之爲饑邊兵起出爲車馬  
急行彗星犯北地爲亂星孛其分土功興多徭役色蒼爲  
饑破軍黃則女爲亂白爲兵喪黑爲水流星犯邊兵大戰  
赤色貫之戎兵起蒼白雲氣入歲不收赤爲兵旱爲火  
附耳一星在卑下主聽得失伺愆邪察不祥也星盛則中  
國微有盜賊見候警外國反動則讒佞行兵大起移人畢  
讒邪肆志大兵四起歲星犯有兵將相喪太白犯佞臣在  
側客星守兵起彗孛犯北夷爲寇

天節八星在畢附耳南主使臣持節宣威四方不明則奉使無狀不見則四方不奉王命熒惑守臣有謀逆太白守大將出

九州殊口九星在天節南主曉方俗之官通重譯者也又爲水中船舶之市常以十一月候之亾一星一國憂二星以上天下亂兵起太白熒惑守亦爲兵客星入民憂水負海國不安有兵流星出夷狄災赤色夷狄兵亂

九旂九星在玉井西南南北列主天下兵旗又曰天子之旗也主司五星之過繞九州導軍進退明靜吉芒動兵起微暗則有奸人窺伺太白熒惑犯兵騎滿野客星犯諸侯兵起

天園十三星在天苑南植菜果之處白雲氣犯兵起

參旗九星在參西五車之間一曰天旗一曰天弓司弓弩  
候變禦難星如弓張則兵起明大則邊寇動明小而踈若  
直則天下息兵芒角兵大起九星不具有兵或赦五星犯  
兵起熒惑守下謀上諸侯起兵一曰有邊兵大白守兵亂  
客星守天下憂流星入北地兵起一曰流星出入邊方自  
相殘害以日干支占國壬子北狄乙卯東夷丙午南蠻辛  
酉西戎或兵災或饑荒應其地雲氣犯色青入自西北兵  
來期三年

天高四星在諸王南畢口東北臺榭之高王望八方雲霧  
氛氣今仰觀臺也微暗陰陽不和月五星犯水旱不時

天街二星在昴畢間爲陰陽之所分七政出入之道街南爲華夏街北爲外邦又曰三光之道主伺候關梁中外之境明則王道正暗不見移徙兵起關梁不通月行天街中爲中平街外讒夫當事不由天街政令不行熒惑守道路絕歲星居之色赤爲殃或大旱太白守兵塞道路六夷旄頭滅一曰民饑

諸王六星在五車南漢中主察諸侯存亡不明則下叛不見宗廟危四方兵起

天關一星在五車南亦曰天門日月之所行主邊方主關閉星明大而動若芒角兵大起與五車合大將出一曰移徙與五車口合則國門盡閉將不解甲熒惑守臣謀主爲



水爲饑太白熒惑守太赦關梁有兵太白入則大亂太白失行兵起客星犯關市不通又曰諸侯不通民相攻客星入多盜流星犯天下有急關梁不通民憂多盜黃雲氣犯四方入貢

五車口五星三柱九星在畢宿北五帝外坐也又五帝之車舍也主天子五兵又主五穀豐耗一主麻一主麥一主豆一主黍一主稻西北大星曰天庫主太白秦分及雍州主豆東北一星曰天獄主辰星燕趙分及幽冀主稻東南一星曰天倉主歲星魯分徐州衛分并州主麻次東南一星曰司空主填星楚分荊州主黍次西南一星曰卿主熒惑魏分益州主麥天文錄曰太白其神令尉辰星其神風

伯歲星其神雨師熒惑其神豐隆填星其神雷公此五車有變各以所主占之三柱昂足而居一曰天淵亦曰三衆一曰天休亦曰休格一曰天旂五車欲其均明闊狹有常星繁則兵大起動搖期三十日車騎發移徙穀貴兵起失色赤地千里石申曰天庫星不見或中河而居天下多死人河津絕天倉星不見軍絕食天旂星不見則大風折木天休動則四國叛一曰休出庫輕騎出休出倉大車出休格反抵大星天下有兵先起者勝一柱出或不見兵半出三柱盡出及不見兵亦盡出柱外出一月穀貴三倍出二月三月以次倍貴柱外出不居兩星間主大水柱倒立戰車行轉輸千里月犯天庫兵起道不通五星犯爲旱喪犯

庫星爲兵起歲星入糴貴熒惑入爲火填星入天庫爲兵  
爲喪太白入兵大起守五車中國兵所向懼伏辰星入舍  
爲水犯之兵以水潦起客星犯則人勞庚寅日候近之爲  
金車主兵甲寅日候近之爲水車主榷增價戊寅日候近  
之爲土車主土功丙寅日候近之爲火車主旱壬寅日候  
近之爲水車主水溢入之色青爲憂赤爲兵守天淵有大  
水守天休左爲兵右爲喪彗孛犯兵起民流白雲氣入民  
不安亦爲兵起

天潢五星在五車中主河梁津渡星不見則津渡不通月  
入天潢兵起五星失度畱守皆爲兵熒惑填星入爲大旱  
爲火熒惑舍之牛馬疫爲兵客星入爲兵畱守則有水害

蒼白或黑雲氣入爲喪赤爲兵

咸池三星在天潢南主陂澤池沼魚鼈鳬鴈明大則龍見  
虎狼爲害兵大起星不見河道不通月入爲暴兵五星入  
爲兵爲旱守之爲饑爲兵客星入天下大水流星入爲喪  
出則兵起雲氣入赤爲旱黑爲大水

觜觿三星爲三軍之候行軍之藏府葆旅收斂萬物明則  
軍糧足將得勢動則盜賊行葆旅起暗則不可用兵一曰  
芒角羣盜起移徙有逐將動搖失色兵亂起歲星犯其分  
兵起守之下有叛者入則多盜熒惑犯其分有叛者爲旱  
爲火爲兵起爲糴貴入則其下有兵填星入犯爲兵其分  
失地太白犯兵起守之大臣叛辰星犯不可舉兵一曰趙

地水有叛者客星出入其宿赤爲兵黑爲水彗星犯兵起  
出入其分失地民流星孛爲兵亂軍破流星入犯有叛者  
有破軍雲氣犯赤爲兵蒼白爲軍憂

司怪四星在井鉞星前主候天地日月星辰變異鳥獸艸  
木之妖星明國災不具歷官失職天下多怪

坐旗九星在司怪西北君臣設位之表也

參宿十星一曰參伐一曰天市一曰大辰一曰鉞鉞主斬  
刈萬物以助陰陽又爲天獄主殺秉威行罰也又主權衡  
所以平理也又主邊城爲九譯故不歆其動參爲白獸之  
體其中三星橫列者三將也東北曰左肩主左將西北曰  
右肩主右將東南曰左足主後將軍西南曰右足主偏將

軍參應七將中央三小星曰伐天之都尉主鮮卑外國不  
欲其明七星皆明大天下兵精伐星明與參等大臣有謀  
兵起失色軍散敗芒角動邊有急兵起有斬伐之事一曰  
芒角赤耀橫射則三軍動天子自將出征星移客伐主肩  
細微天下兵弱左足入玉井中兵起秦有大水左股星亡  
東南不可舉兵右股則主西北又曰參足移北爲進將出  
有功徙南爲退將軍失勢月犯貴臣憂兵起民饑犯參伐  
偏將次歲星犯水旱不時大疫爲饑守之兵起民疫焚惑  
犯爲兵爲內亂秦燕地凶守之爲旱爲兵四方不寧逆行  
入則大饑填星犯有叛臣守之其下國亡奸臣謀逆逆行  
留守兵起太白犯天下發兵守之大人爲亂國易政邊兵

大戰辰星犯爲水爲兵辰星與參出西方爲旱逆守兵起  
客星入犯國內有斬刈事守之邊州失地環繞者邊將有  
斬刈事彗星犯邊兵敗君亡遠期三年貫之色白爲兵喪  
星孛於參君臣俱憂國兵敗流星入犯先起兵者亡一曰  
流星出而光潤邊安有赦青雲氣入犯天子起邊城蒼白  
爲臣亂赤爲內兵黃色潤澤大將受賜黑爲水災白雲氣  
出貫之將死

玉井四星在參左足下主水泉以給庖厨動搖爲憂客星  
入爲水爲喪國失地出則國得地一云將出流星入爲大  
水

軍井四星在玉井東南軍營之井主給師濟疲乏動搖大

水不見軍之水月犯國中財寶出熒惑入爲水兵多死太白入兵動民不安客星入憂水害

厠四星在屏星東主溷色黃吉歲豐客星入穀貴彗孛入歲饑青雲氣入爲兵

屏二星一作天屏在軍井南月五星犯爲水

天尿一星在厠南色黃則年豐凡變色爲蝗爲水旱爲霜殺物常以秋分候之星亡不見天下荒星微民多流

步天歌 奎腰細頭尖似破鞋一十六星遶鞋生外屏七

烏奎下橫屏下七星天溷明司空左畔土之精奎上一宿軍南門河中六箇閣道形附路一星道旁明五箇吐花王良星良星近上一策明 婁三星不勻近下頭左更右更



烏夾婁天倉六箇婁下頭天庾三星倉東脚婁上十二將  
軍侯 胃三星昂足河之次天廩胃下斜四星天囷十三  
如乙形河中八星名大陵陵北九箇天船明陵中積尸一  
箇星積水船中一黑精 昂七星一聚實不少阿西月東  
各一星阿下五黃天陰名陰下六烏芻藁營營南十六天  
苑形河裏六星名卷舌舌中一點天譏星礪石舌旁斜四  
丁 畢恰似爪又八星出附耳畢股一星光天街兩星畢  
背旁天節耳下八烏幢畢上橫列六諸王王下四皂天高  
星節下團圓九州城畢口斜對五車口車有三柱任縱橫  
車中五箇天潢精潢畔咸池三黑星天關一星車脚邊參  
旗九箇參車間旗下直建九旂連旂下十三烏天囷九旂

天園參脚邊 觜三星相近作參藥觜上坐旗直指天尊  
卑之位九相連司怪曲立坐旗邊四鴟大近井鉞前 參  
總有七星觜相親兩肩雙足三爲心伐有三星足裏滾玉  
井四星右足陰屏星兩扇井南襟軍井四星屏上吟左足  
下四天厠臨厠下一物天尿沉